

Pagina Rumanschta

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **70 (2008)**

Heft 3: **Aktuelle Bildungsreform in Diskussion**

PDF erstellt am: **03.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

«NFA» – 3 bustabs che dattan da patertgar

COMMENTARI DA MARTIN MATHIUET

Treis bustabs («NFA» = Neuer Finanzausgleich; ni per esser exacts e romontschs «Nova concepziun da la gulivaziun da finanzas e da la reparti-ziun da las incumbensas tranter il cantun e las vischnauncas (NFG grischuna)» ch'il departement da finanzas e vischnauncas ha tarmess da cuort en consultaziun fatschen-tan il mument tuts politichers grischuns.

Il mument che tut la glieud ei stauncla sco tgauns e spetga cun ardur sin las vacanzas tarmetta il cantun ina documentaziun da ca 150 paginas cun ina tematica schetga, complexa e brisanta che mo paucs pon leger! Ton pli radicalas ein las proposta d'organisar da niev la collaboraziun denter vischnauncas e cantun.

Sch'ei va per reglar la lavur futura denter vischnauncas e cantun havess ins astgau spitgar che las duas partidas sesien ensemen alla meisa rodonda e securvegnyen. Mo oha! Tenor las indicaziuns sin pagina 21 ei il project vegnius preparaus exclusivamein d'emploiai e politichers cantunals – cun agid d'in tecnocrat dalla Scol'aula da s. Gagl. E nua ein ils representants dallas vischnauncas stai? Negliu! Persuenter survegnan els ussa ina proposta cuschinada e cungida fix fertig – tgisà sch'els maglian era la petta?

Il cantun metta la proposta NFA sut l'enzenna da dar dapli spaci d'acziun e dapli responsabladad allas vischnauncas e procurar per dapli trasparenza. De facto havess quella versiun presentada consequenzas radicalas per las vischnauncas – per las vischnauncas pintga catastro-falas:

1. El messadi vul ins schar crer che tut quei hagi negin connex cun fusiuns da vischnauncas – en verda eis ei ina strategia zuppada ed aschia nunsincera

per sfurzar fusiuns da vischnauncas. Jeu sundel beincapiu per fusionar vischnauncas – aber a moda sincera e transparenta.

2. Pli sempel che tochen ussa vegn nuot! Tgi che legia las empremas 40 paginas sa seperschuader da quei!
3. Ils quater criteris decisivs (lunghezia dallas vias, diember da scholars, popola-ziun, structura dils habitadis) ein buca relevants avunda per eruir ils basegns da tut las vischnauncas. Il messadi discuora d'ina sligaziun correcta – sche quei ei correct?
4. Vischnauncas beinstontas cun ina buna basa economica profiteschon – vischnauncas pintgas, periferas, romontschas spiardan. (Las vischnauncas denter Tumein e Domat survegnessen 8.1 milliun dapli – la Surselva 190'000 frs dapli. Enteifer la Surselva gudignassen las vischnauncas rehas 1.5 milliuns – las paupras spiardan 1.3 milliuns. Il marcau da Cuera che siarra il quen annual 2007 cun 4.9 milliuns gudogn (sunter haver fatg deducziuns da total 33.6 milliuns!) e che figurescha ella pli ferma classa da finanzas (1) cun in pei da taglia da

90% survegness aunc 3 milliuns ad onn dapli – Morissen 160'000 dameins. – Jeu sedamondel nua che la solidaritad statala ei sparida? Sundel jeu el falliu film?

5. La proposta dil cantun ha la tendenza da stuschar tut ils pensums e las incumbensas che cuostan ni che vegnan a custar dapli el futur ni ein buca fetg attractivas vi allas vischnauncas (scola populara, socialessen, cultura, etc.). L'argumentaziun pertgei ch'il cantun vegli surprendre ils cuosts pil 9avel onn da scola (p. 91) para ina sgnocca da tscheiver! Cun stuer finanziair ils pregimnasis vegnan las vischnauncas sfurzadas da finanziair l'erosiun dall'atgna scola superiura!
6. Il cantun surpren tscheu e leu pensums (scalem secundar 2; scola media e professiunala) surdat la lavur a scolars privatas ni regionalas ed enstagl pagar tut ils cuosts che seresultan (Vollkostenabrechnung) fa el incumbensas da prestaziun e paga pauschalas per scolar – Tgi paga il rest?

Facit: Speranza cumpran las vischnauncas buca il giat el sac!

JAMNAS D'EMPRENDER! – SURSELVA



- Vul Ti **meglieras notas** en scola?
- Vul Ti **emprender cun plascher**?
- Vul Ti **repeter** la materia digl onn vargau?
- Vul Ti **sepreparar** optimalmein sigl onn niev?



LU FAI PART DA NOSSA JAMNA D'EMPRENDER A LAAX!



- roms** mate, geometria, tudestg, romontsch (auters sin damonda)
- datums** scholars dalla scola primara **28–31 da fenadur 2008** (sin damonda aunc ils 4 d'uost)
- scholars dalla scola superiura **04–08 d'uost 2008**
- ei vala la classa d'igl onn da scola 2008/09**

Informaziuns ed annunzia: Scuntrada e formaziun Surselva
Via Curtgin pign 35, 7031 Laax, telefon 081 920 80 72,
info@scuntradasurselva.ch, www.scuntradasurselva.ch